

**خطاب الرئيس محمد أنور السادات
فى الذكرى الثالثة لتأسيس الحزب الوطنى الديمقراطى
وذكرى العاشر من رمضان
فى ١١ يوليو ١٩٨١**

بسم الله

الاخوة والاخوات اعضاء الحزب الوطنى الديمقراطى
كل عام وأنتم بخير

فى مثل هذا اليوم من ثلاث سنوات كان اجتماعنا فى نفس هذا المكان ..
لكى نبدأ مسيرة بناء الحزب الوطنى الديمقراطى .. فى يوم وفى تاريخ
عزير علينا جميعا هو يوم العاشر من رمضان الذى خلد ضمن ما خلد ذلك
الكفاح البطولى الرائع للقوات المسلحة المصرية .. يوم أن عبرت مصر
ليس بشعبها فقط وانما عبرت بالأمة العربية كلها .. عبرت المهانة ..
عبرت الهزيمة .. عبرت التمزق .. عبرت كل ما عشناه طوال قرون من
التخلف وحققت لشعبها ولأمتها العربية تاريخا جديدا لم يلبث العالم بعده ان
سجل قيام القوة السادسة الجديدة فى عالم اليوم . فى هذا اليوم بدأنا فعلا منذ
ثلاث سنوات مسيرة بناء الحزب الوطنى الديمقراطى .. وبناء الاحزاب ..
الاحزاب التى يكتب لها ان تعيش وان تمضى فى تحقيق آمال الشعوب .
ثلاث سنوات لا تذكر لبناء اى حزب من هذه الاحزاب .. ولكن السنوات
الثلاث الماضية كانت عامرة بكل الاعمال الجليلة وأروع ما حققت وأروع
ما تسير فى تحقيقه هو

ان يتحقق لمصر فى المعارك الثلاثة التى لابد ان نخوضها ان يتحقق لمصر
النصر فى معاركها الثلاثة

بناء السلام .. وبناء الرخاء .. وبناء الديمقراطية كما تحقق تماما النصر فى
معركة اكتوبر المجيدة

ثلاث سنوات فى عمر الزمن .. وفى عمر شعب .. وفى عمر حزب قد لا
تكون شيئا كثيرا ولكن السنوات الثلاثة الماضية مليئة ، عامرة .. لقد قبلنا
التحدى هذا التحدى الذى يتمثل كما قلت لكم فى المعارك الثلاثة .. السلام ،
والرخاء ، والديمقراطية .. وكل معركة منها هى تكمل المعارك الاخرى ..
اى اننا لا نستطيع ابدأ ان نفصل معركة بناء السلام عن معركة بناء الرخاء
ولا عن معركة بناء الديمقراطية .. بغير السلام لا يمكن بناء الرخاء ،
بغير الديمقراطية لا يمكن بناء الرخاء .. الديمقراطية تعنى فى المقام الاول
الامن والامان لى يستطيع الانسان ان ينطلق بكل ملكاته لتحقيق ذاته
ولتحقيق ذات شعبه أيضا •

اذن المعارك الثلاثة متلازمة ولا بد ان تسير جنبا الى جنب
لا نستطيع ان نقول دعونا نترك مثلا معركة الرخاء الآن ونحن نبني معركة
السلام .. ولا نستطيع ان نقول أننا سنبنى الرخاء .. او السلام بعيدا عن
الديمقراطية • او لعلها تنتظر قليلاً حتى نفرغ من هذا البناء ابدأ .. لابد ان
تسير المعارك الثلاثة متلازمة .. فى السنوات الثلاث الماضية تحقق الكثير
جدا ولنستعرض معركة معركة .. فى معركة السلام مثلا .. تمت بعد

تشكيل او بعد بدء بناء الحزب الوطنى الديمقراطى فى هذا المكان تمت
اتفاقات كامب ديفيد .. وجاءت

سنة ٧٩ فوقنا معاهدة السلام المصرية الاسرائيلية تنفيذا للجزء الاول من
اتفاقات كامب ديفيد وشهد عام ١٩٧٩ على مدى تسعة شهور جلاء اسرائيل
عن ٨٠% من سيناء تنفيذا للمعاهدة التى وقعتها فى مارس من ذلك العام
.. ويبقى الجزء الباقى ٢٠% نتسلمها باذن الله فى ابريل المقبل .. حيث
نقف على حدودنا الدولية كما ورد فى تلك المعاهدة ، ومضينا بالقسم الثانى
فى معركة السلام وهو الخاص بالحكم الذاتى الفلسطينى .. ولازال بعض
اللبس يقع عن أخوتنا العرب عن عمد من جانبهم .. هم لم يقرأوا كامب
ديفيد يوم ان اتفقنا .. بل بدأوا المعارضة من قبل حتى ان يذاع نص اتفاق
كامب ديفيد .. كان الامر مبيت فلما اذيع اتفاق كامب ديفيد أخذتهم برضه
العزة بالجهالة ورفضوا ان يقرأوا كامب ديفيد إلى الآن

الجزء الثانى من كامب ديفيد الخاص بالحكم الذاتى الفلسطينى نحن لم
نتعرض لحل المشكلة الفلسطينية لان الذى يملك هذا هم الفلسطينيون انفسهم

بل أكثر من هذا لقد اعلنت امام البرلمان الاوروبى واعيد هذا الاعلان ان
على الفلسطينيين ان يأخذوا قضيتهم فى أيديهم وان يجلسوا مع الاسرائيليين
لكى يصلوا الى حل لمشكلتهم ونحن جميعا من ورائهم نؤيدهم وندفع بهم ..
يجب ان يتولوا قضيتهم .. اما الاحتجاج ان مصر فى كامب ديفيد الثانى

أخذت على نفسها مسئولية حل القضية الفلسطينية بعيدا عن الفلسطينيين او بعيدا عن الامة العربية . فهذا استمرار فى الجهالة واستمرار فى الحقد .. يعنى الاصرار على عمليات الشعارات ومحاولة طمس الحقائق .. لأنه نحن لم نأخذ على انفسنا حل القضية الفلسطينية أبدا .

الجزء الثانى فى كامب ديفيد أخذنا على أنفسنا فى شىء واحد إنهاء الاحتلال الاسرائيلى للضفة وغزة ، وسقوط الحكومة العسكرية الاسرائيلية ساعة ظهور نتيجة انتخابات الحكم الذاتى .

بهذا النص : سقوط الحكم العسكرى الاسرائيلى .. سقوط الادارة المدنية الاسرائيلية .. عودة الفلسطينيين من السجون والمعتقلات الاسرائيلية الى ذويهم .

وهو ما طالبنى به نساء فلسطين فى قبة الصخرة سنة ١٩٧٧ .. هذا هو الجزء الثانى فى كامب دافيد الذى نحن بصدده مصر لم ولن نتكلم بالنيابة عن الفلسطينيين .

لم ولن نتكلم فى صلب القضية وانما مصر مصر على تنفيذ اتفاقات كامب دافيد .. اى إنهاء الاحتلال الاسرائيلى .. وقيام الحكم الذاتى الفلسطينى لخمس سنوات أى ان مصر تتمسك بأنه بدلا من ان يكون الاحتلال

الاسرائيلي ابدى بلا توقيت كما هو الآن لا اصر على انهائه وتحديد خمس سنوات يحكم الفلسطينيين انفسهم فيها .

بعد ثلاثة سنوات منها يجلسوا ليقروا هم ما يرتضونه لانفسهم ووضعنا فى كامب دافيد نصا لعلمهم يستمعون لى جميعا الآن يقول

ان للفلسطينيين حق الفيتو اى ان يرفضوا اى اتفاق لا يحقق آمالهم او لا يحقق طموحاتهم او لا يحقق ما يريدونه لأنفسهم .

هذا هو الجزء الثانى من كامب ديفيد فى قضية السلام .. فرغنا من الجزء الاول الخاص بالمعاهدة المصرية الاسرائيلية

واقدر امامكم وأمام العالم أجمع ان الطرفين مصر واسرائيل ينفذوا التزاماتهم فى هذا الجزء الخاص بالمعاهدة المصرية الاسرائيلية على اكمل وجه .

وليست هناك اطلاقا اية مشاكل .. بالأمس فقط انتهى الاتفاق على القوة متعددة الجنسيات واصبح الامر قيد توقيع الاتفاقية .

لا توجد مشاكل اطلاقا .. وطبعاً انتم تعلموا لجأنا الى هذا لان الاتحاد السوفيتى هدد فى الأمم المتحدة باستخدام الفيتو وطلبت من مندوبنا هناك

الدكتور عصمت عبد المجيد طلبت ان يتصل رسميا بالسوفييت ، وان يتصل بدوائر الأمم المتحدة هناك وأرسل لى وأخطرني ان الاتحاد السوفييتي يرفض وسيستخدم الفيتو •

وعلى ذلك لجأنا الى اتفاق القوى متعددة الجنسيات بيننا وبين اسرائيل وأمريكا •

وهو أمر يدعو الى السخرية لأنه لماذا يغضب الاتحاد السوفييتي .. ؟ لماذا يحزن هذا الحزن كله ... ! وهو اللي مكون شيء اسمه مجلس السلام فى العالم وباعت لسه جائزة سلام لحافظ الاسد من شهر علشان ضرب زحله ، وضرب حلب وحمص وحماه .. الاسد بيضرب بلدة فى حلب، وحمص ، وحماه ، بالدبابات والمدفعية اللي شاريهم الشعب السورى للدفاع عن نفسه ، وحاصر زحله شيوخ وأطفال ونساء •

استحق جائزة السلام من الاتحاد السوفييتي من مجلس السلام وقدمها له واحد من عندنا هنا من مصر فى الحزب التقدمي .. قدمه لحافظ الاسد هدية علشان زحله وحمص وحلب وحماه • طيب يا اخى احنا مصر واسرائيل ارتضينا السلام وحددنا وخططنا والارض ارضنا والمنطقة وانت زعلان فيه .. دى بتورى للأسف لازال الاتحاد السوفييتي يدفع بسوريا

وبالفلسطينيين وهذه هي عقلية الاتحاد السوفييتى ويحاول ان يعود الى المنطقة .

بعد ان طردته مصر نهائيا منها .. لعل المناورة الاخيرة اللى أستمتعتم اليها .. الانزال اللى تم فى سوريا لعل هذا يوضح تماما افلاس الاتحاد السوفييتى ، ومدى افلاس النظام السورى ، اللى محتاج الى حماية الاتحاد السوفييتى . لكى يبقى حافظ الاسد فى الكرسى والله اذا كان هذا هو شأنهم طيب ، نحن لا نضع أبدا مصير الامة العربية فى ايدى مثل هؤلاء أبداً .

فى قضية السلام ايضا كما تعلموا ان شاء الله فى أوائل الشهر المقبل باذن الله وبعد العيد او فى أثناء العيد سأسافر الى الولايات المتحدة ان شاء الله للقاء الرئيس ريجان .

وبعد الآن كل الدراسات المطلوبة وبتبادل بيننا وما بين الولايات المتحدة كل المعلومات بشأن هذا الاجتماع حتى نستطيع ان ندفع بعملية السلام ، وهنا يحق لنا ان نقول للجميع بكل فخر . نحن ليست لنا مشكلة مع اسرائيل الآن ابدا ، المعاهدة حاطه كل شىء فى

مكانه ٨٠% من سيناء عاد ، قوة متعددة الاطراف اتفقنا عليها ، ٢٠% بيعودوا فى ابريل المقبل باذن الله ، الطرفين جاهزين لها ملناش مشكلة .. طيب ماهى مشكلتنا ؟ بقول بكل فخر ان مسئولية مصر العربية والاسلامية

مسئولية تاريخية ، انه مسئولية مصر العربية والاسلامية مسئولية تاريخية

من أجل هذا نحن لن نقنع بالجزء الاول من كامب ديفيد وهو المعاهدة المصرية الاسرائيلية وانما ، لابد من قيام السلام الشامل فى المنطقة اى بحل القضية الفلسطينية ، أول طريق الحل هو الآتى

اول طريق الحل كما تعرفون هو ان ينتهى الاحتلال الاسرائيلى لارض الفلسطينية فى الضفة وفى غزة لانه لنا مسئولية . نحن سنظل شاعوا أو لم يشاعوا . وافقوا او رفضوا الآخرين نحن لا نتكلم نيابة عن الفلسطينيين ولا نيابة عن العرب ابدا .

نحن نتكلم نيابة عن المسئولية التاريخية لمصر ان تنهى الاحتلال الاسرائيلى لكى يتولى الفلسطينيون حل قضيتهم بنفسهم .

بأعيد .. بأعيد مرة أخرى ان عليهم ان يتقدموا ويأخذوا قضيتهم فى ايديهم ويقعدوا مع الاسرائيليين فى العريش علشان يحلوا مشكلتهم معاهم .

واحنا جميعا وراهم بنأيدهم .. فى بناء السلام ايضا قد يحتاج الامر انى اكلمكم عن الموقف العربى . مفيش جديد فيه بنسمع من أن لآخر بيانات بتطلع فى الصحف العربية تماما كما كنا بنسمع الهجمات كان فيه هجمات

دلوقتي بقي جنب الهجمات كمان فيه بيانات بشأن التضامن العربى .. و ..
و .. الى آخره ، واحنا قلنا رأينا فى هذا .. نحن مفتوحون العقل والقلب •

ولكن لا يطلب من مصر مثلا ان تعود الى الخط اللي هما ماشيين فيه
ويعلموا تمام العلم انه لن يوصل الى شىء بل كان هو التعبير عبر ثلاثة
وثلاثين سنة لهزائم مستمرة كان خطهم هو هذا ولا زالوا هم فيه اذا طلبوا ان
نعود الى هذا الخط آسفين ثم نحن لم نقطع معاهم العلاقات ، هم الذين
قطعوا اذا شاءوا يعيدوا هم اما نحن فلن نذهب لانسان منهم ابدا

ولن نجرى ورا انسان فاذا كانوا فى الفترة الماضية اعتقدوا انه حيبجى يوم
لازم اقتصاديا نلجأ لهم بعد ما عملوا عمليات حصار مصر وخنق مصر
وشكوة مصر فى صندوق النقد الدولى ، وكل اللي جرى ده أحمد الله
سمعتونى بأقول ودى فرصة وده يوم سعيد اللي بنلتقى فيه فى ذكرى ماقدنا
هنا من ثلاث سنين عشان نبدأ الحزب الوطنى الديمقراطى •

الحمد لله فى هذا العام اراد ربنا سبحانه وتعالى ان يتم نعمته على مصر
فأعطانا ما لا يحوجنا لاي انسان منهم •

الحمد لله وهذا فضل من الله وانا قلت لعلمهم هم لعلها رسالة لهم ، انه يد الله
فوق ايدينا • نحمد الله .. فى قضية بناء الرخاء احنا بنذكر اليوم ، معركة
عشرة رمضان .. اليوم فى هذه اللحظات وأمبارح وبكره .. وان شاء الله

على طول بيقوم جيش كامل من شباب مصر بمعركة لا تقل خطورة عن معركة رمضان .

فى الصالحية انا بدعو كل شباب مصر وعاوز جميع الجامعات كلهم يروحوا على هناك يشوفوا ليه لانه عاوزهم يشوفوا كيف شبابنا بيحارب معركة توازى تماما المعركة العسكرية .

ولكن هذه معركة عمران .. معركة اعادة بناء .. معركة رخاء .. معركة زيادة الانتاج .. متعددة الاطراف زيادة الانتاج علشان نوفر الطعام ونكتفى .

باذن الله قبل سنة ٨٥ يصبح لنا اكتفاء فى طعامنا باذن الله ماعدا القمح .. معركة بناء مدينة او مدينتين ٥٠ الف فدان كل سنة .

معركة بناء صناعات زراعية .. معركة بناء .. معركة تكثيف الزراعة والتصدير وتمويل السوق المحلى .. وزيادة الانتاج امر اساسى لضبط الاسعار والسيطرة عليها فى الداخل والسيطرة على التضخم .. الارقام عندى مذهلة . اللي بيتم ولكن لن أحكى عنها الا فى مكانها وأحنا بنشوفها والشعب كله بيشوفها معايا عبر التليفزيون

بأذن الله من هنا لغاية آخر السنة دى ان شاء الله .. هذه المعركة اللى بيخوضها شبابنا وبيشتغلوا ليل مع نهار عايشين فى الخيام زى العساكر بالضبط .. زى ولادنا ما قعدوا سبع سنين على شاطئ القناة يسفوا الرمل والأفنديات قاعدين فى القاهرة فى التكيف وفى الميه السخنة ومش عاجبهم

وسفوا الرمل ولادنا (وعبروا) وحققوا المعجزة ولم يطلبوا شئنا والآخريين العاجزين واللى قلبهم مليون حقد أسود ، هم اللى بيطالبوا بالثمارات وياريتهم بيقتنعوا بالحق وانما كل عملهم مبنى على الحقد .

فى معركة الرخاء جنب اللى بيسير فى الصالحية فى جميع أنحاء مصر أيضا .. الأرقام عندى .. والانتاج أيضا .

والشركات اللى قامت بتاعة التنمية الزراعية والتنمية اللى فى الحزب .. الاحصاء عندى وبرضة بفضل انه يشوفها الشعب على الواقع وهى بتنتج مانتكلمش عن أرقام وانما يروح التلفزيون وبروح افحتها ويسمع الشعب ويشوف بنفسه .

معركة بناء الرخاء بتسير بكل قوه .. بكل إمكانية لانه بتوفر الأمن والأمان وأراد الله سبحانه وتعالى ان يضع يده فوق أيدينا ايضا وبيبارك لنا ويطرح لنا البركة فلم نعد فى حاجة ابدأ لمعونة من احد .

وانما لدينا ما نبني به الرخاء فى مصر • دى معركة الرخاء بيبقى باقى معركة الديمقراطية اذا كان لى انى أعلق بشىء فهو انى أهنتكم بالعام الثالث من عمر حزبنا .. وبأقول ان بناء الحزب الوطنى الديمقراطى حايذكروه بعد مئات السنين إنشاء الله الجاية ان ده العلامة الاولى العميقة لبناء الديمقراطية فى مصر ، واحنا كنا صادقين كما كنا دائما مع أنفسنا ومع ربنا ومع شعبنا • تعديل الدستور علشان الديمقراطية وتعدد الاحزاب ثم بقية مواد الدستور تحقق كل الديمقراطية وسيادة القانون والامن والامان لكل مواطن بحمد الله أصبحت مصر فى هذه المنطقة سواء العربية أو منطقة الشرق الاوسط جزيرة الأمن والامان والديمقراطية .. وتوزيع ثروة الشعب على ابناء الشعب موش لا على الطبقة المتميزة ولا على الطبقة الحاكمة ولا على افراد يفرضوا سيطرتهم على الشعب •

المؤسسات الدستورية قامت ، التجربة بتسير يوم بعد يوم لما قام مجلس الشعب الاول الآن بقي مجلس الشعب ومجلس الشورى أجهزة كثيرة المجالس القومية المتخصصة مستشارين رئيس الجمهورية على جميع المستويات الصحافة كسلطة رابعة تكون المجلس الاعلى للصحافة ولا بد ان يبدأ ممارسة مهامه .. كل علامات او كل ما يضىء الطريق امام الديمقراطية بنعمله كل يوم ولكن لا زال للأسف كما حكيت لكم من قبل فى ١٤ مايو الماضى - لا زال للأسف الممارسة الديمقراطية عند الآخرين مشدودة بالكامل الى الخلف • يعنى لما حكيت عن المعارضة أحنا عايزين

معارضة فعلا .. ليه ؟؟ لأنى كما سمعتونى أقول انه فى الديمقراطية المعارضة أساسية تماما زى ما فى المحكمة علشان تصح اجراءاتها لازم يكون هناك قاضى ووكيل نيابة ومحامى .

أيضا فى الديمقراطية لازم يبقى فيه حزب الاغلبية اللى بيحكم ، وفيه معارضة امام حزب الاغلبية ، ده اللى متعارف عليه العالم فى النظام الديمقراطى اللى بيحقق او حقق الى الآن البناء للشعوب اللى شفناها ونتمنى ان نبني لمصر زى دول غرب أوروبا وأمريكا وكندا .. للأسف يظهر ان الماضى ما قبل ٢٣ يوليو وما بعد ٢٣ يوليو بتاع مراكز القوى لا زال معشش فى رؤوس البعض ويتصوروا انه تصفية الحسابات او الحقد الاسود - ممكن ان يتقال عليه معارضة .. احنا بنشوف من أن لآخر بعض المظاهر .. لهذا بنشوفها مثلا فى ائمة يطلعوا على المنابر فى الجوامع ويستخدموا أبداً الالفاظ على منابر الجوامع وبيعتقدوا الآن انهم فى حمى الديمقراطية ممكن ان يتصرفوا تعبيراً عن أحقادهم .. عمليات أحقاد . شفنا فى العملية الأخيرة بتاعة المحامين القضية المفتعلة هو ايه اللى جرى ؟ والله انا باشكر محامى الاسكندرية هنا لان هم اللى فتحوا القضية وفى سان استفانو اجتمعنا وقالوا رايهم .

محاميو مصر مع مصر ومع أهداف مصر .. ليسوا ابداً ضد مصر ولا ضد اهداف مصر .. دى حقيقة .. ده اللى قالوه محاميو الاسكندرية .. طيب مجلس نقابة المحامين لا .. ضد مصر وضد اهداف مصر وبيدعى ان دى

ارادة المحامين أدى كل المشكلة ، قام أجتماع الاسكندرية والله أنا عَبرت
عن الكلام ده كله ما احنا شوفنا الظواهر دى قبل كده .

مقر النقابة اصلها على شارع مصر والسودان والا رمسيس وكان هناك
برضه فى نقابة المهندسين مع نفس الشارع فى يوم من الايام كانوا بيحبوا
امهات الطلبة بتوع كلية الهندسة ويقفوا طابور على شارع رمسيس
ويصوتوا .. ليه؟؟ قال علشان العربيات وهى رايحة وهى جاية تشوف ان
النظام حايقع فى مصر !! وظل هذا الحال كان وراه طبعاً الشيوعيين
والرجعيين ، واللى بقول عنهم الحقد الاسود الى ان انتهى هذا يوم ما تسلم
مصطفى خليل نقابة المهندسين وانتهى هذا الحال .

مجلس نقابة المحامين حب يعمل هذا النهارده بس دكده اتعمل
سنة ٧٢ واللا حاجة . ده فات عليه ٨ أو ٩ سنين انتهت لا علق يفظ نقابة
المحامين على شارع رمسيس اقل مايقال فيها والله وزير الداخلية " نبوى "
ما رضى بيعت لى عن هذا الكلام اللى جم قالولى كانوا فايتين وقرروا اليفظ
اللى معلقها مجلس نقابة المحامين باسم المحامين !! بذاءة للاسف ، للاسف
بذاءة بالتأكيد يغضب لها محاميو مصر بالتأكيد جالى امبارح محافظ
الاسكندرية منفعل الدنيا راحت وفى مجلس الشعب حيتعمل قانون علشان
نقابة المحامين والمحاميين بتوع اسكندرية بيقولوا يعنى العملية دى حا تبقى
خطيرة ، و ... و ... و .. لا طب واذا اتعمل قانون فعلا اذا اتعمل قانون
يعنى ايه ؟ يعنى مجلس الشعب حايقعد يناقش وقدام الشعب كله على الملأ

مفيش حاجة حاتم لا فى الخفاء ولا فى السر ولا الدولة مهزوزه من حد لما
التطاول يصل الى مصر والى تشويش وجه مصر لا آسف .

والله مهما كان ده حتى اذا كانت سلطة من سلطات الدولة حاطها قدام
الشعب لا أسمح بهذا ابدا ، التطاول وصل الى مصر ، والى تشويه وجه
مصر ، الاجتماعات اللى طلع هذا المجلس حضرها باسم المحامين طعن فى
مصر طعن فى الديمقراطية طعن فى سيادة القانون وكان معاهم محامين
عراقيين وكان لسه صدام حسين شانق ٢٢ من زملائه اللى على مستوى
القيادة العليا ووقف حضر شنقهم فدافع العراقيين عن صدام حسين وهاجم
مجلس نقابة محامى مصر هاجموا الديمقراطية وهاجموا وشوهوا وجه
مصر هل ده يعبر عن المحامين؟! دى كل القضية للاسف يعنى أنا حابعت
انشاء الله لرئيس مجلس الشعب بكره بالليل جواب انشاء الله حاقوله الآتى

يارئيس مجلس الشعب الناس دول تعدوا حدودهم من فضلك يا مجلس
الشعب السلطة التشريعية حاتقول رايها فى هذا الموضوع وتحط النتيجة علنا
قدام الشعب علشان يسمعها الشعب .

ايه يعنى ؟ اذ كان البعض بيتصور ان كل شويه ما تطلع حاجة الدنيا
حاتروح يبقوا عبط برضه أحداث " الزاوية الحمراء " قاموا اتتكدوا لانها ما
انطورتش وتلخبطت و .. و طب ليه الحقد ده على بلدهم ؟ كان من نتيجة

ده ايه ؟ كان من نتيجة ده ان انا فى ١٤ مايو لما اشتكيت للشعب ان
المعارضة مش معارضة .. ده حقد .

المعارضة احنا عايزين معارضة والمعارضة دى أساسية للنظام اللي احنا
فيه الديمقراطى وتعدد الاحزاب وعاوزين معارضة قوية كمان قوية على
قدر قوة الحزب الحاكم نتيجة ده ايه ؟ مجهزين برنامج فى امريكا يسبقنى
يوم ما أوصل او قبل ما أوصل بيوم مطلعين فيه كل اللي حكيت لكم عنه
تحت اسم المعارضة وطبعا ضرورى حياخدوا صورة وخذوا للليفط اللي
على نقابة المحامين واللى مفروض أصحابها بيقولوا لهم تعالوا اللي عملوها
بيقولوا لهم تعالوا صوروها ليه ده محامين مصر .. واصلوا الكلام ده
وعارفين البرنامج بينتهى على ايه اللي مجهزينه ده بينتهى انه انور السادات
ده شاه ايران أو عوا يا أمريكيان تحطوا أيديكم فى ايده لان الراجل ده لو
حطيتوا ايديكم فى ايده حاجى يوم زى شاه ايران كده ويروح ساقط وانتو
مش عارفين الحالة .. و .. و .. واتجهز البرنامج فعلا وقلت لمنصور
حسن كان جه الخبر الاول اللي نزل فى التلفزيون الامريكاني علشان يمهد
البرنامج كان طلع وانتشر واحنا ماعندناش فى مصر رقابة لعلمكم ليست
هناك رقابة لا على الصحف ولا على البرقيات اللي بتطلع اسرائيل فيها
رقابة على البرقيات اللي تتطلع لغاية النهاردة مصر ابدأ واللى بيهاجموا
باسم المحامين الديمقراطية فى مصر سامعيني دلوقتي مافيش رقابة طلعا

وهاجموا مصر فى امريكا وفى الجزائر وفى دمشق والرباط ورجعوا ما حد
قال لهم حاجة ابدأ .

لا الدور ده بقى أنا عاوز مجلس الشعب السلطة التشريعية والكلام ده
بالوضوح يتحط قدام الشعب بلا موارد علشان كل انسان يحدد موقعه

بس نصيحتى اللى بيضيعوا وقتهم اقول لهم ان ده لن يهز البلد ابدأ ده
العملية مصر فى أروع انتصاراتها خارجيا وداخليا النهارده بحمد الله انا
عارف ولا عندى شك فى هذا اطلاقا بس اللى بيهمنى انكم الحزب المسئول
النهاردة ليه ؟ لانه ذى ما احنا شايفين اللى بيتكلموا بيتستروا بكلمة
المعارضة وبالديمقراطية اننا ما بنأخدش اجراءات خلاص اللى بيتستروا دول
كلهم بالديمقراطية والتخفى تحت ثوب المعارضة علشان الاحقاد والحسابات
والانانيات والزعامات لازم كحزب تاخدوا بالكم منهم عالجوهم بالاخلاق
احنا مانفسدش اخلاقنا ابدأ ابدأ ولا قيمنا اللى هى قيم مصر لكن نعالجهم
نعالجهم بالاخلاق . وفى النهاية دى ما احنا عارفين كلنا " لا يصح الا
الصحيح " بس انا عاوز انتهاز الفرصة دى فى العيد الثالث لحزبنا علشان
اقول للى بيحاولوا يضيعوا وقتهم ويضيعوا وقت البلد ما حدش حايجس بهذا
وعملية المحامين من يوم عملية اسكندرية انا اعتبرت الموضوع منتهى
خلاص .

ده حقيقى اعتبرته منتهى لانهم قالوا رايهم محاميو اسكندرية تعبيراً عن
الرأى العام بتاع المحامين كله انما اللى تم بعد ذلك لا طيب الله اذا كنتم
بتسلخوا هذا الطريق طيب فليوضع كل شىء .. كل الصفحة تتحط قدام
الشعب بصراحة علشان يحكم الشعب واحنا كلنا حانرضى بحكم الشعب فى
هذا بس يعنى اتمنى ان الدرس يكون كافى بحيث ماحدث يحاول يضيع
وقت البلد لان ماحناش فاضين لهذا .

وبعد ذلك انا قلت لكم فيه جيش تماما كالقوات المسلحة بيعمل فى
الصالحية ٥٠ الف فدان اللى قلت لكم عليهم ومدينة السنه دى باذن الله

وفى السنه الجايه ٨٢ - ١٠٠ الف فدان ومدينتين باذن الله
وبعدها ١٥٠ الف وثلاث مدن كده ماشيين على طول باذن الله انا بقول
قدامكم اهه مش كرئيس الحزب الوطنى لا بقولها كمسئول عن العائلة
المصرية كلها اللى حايجاول يضيع هذا الوقت حاخده أوديه على هناك
وأشغله اشغال شاقة هناك .

.. والله ولو اقتضى الامر ح أقول لوزير الدفاع يكلفهم ويبيعتهم يشغلوا
ويشوفوا ويشوفوا هناك اللى ماش هناك يقوموا يعرفوا ان الله حق وماحناش
فاضيين لتضييع الوقت ده.. بياتى رمضان السنه دى فى يوليو - يوليو شهر
ثورة ٢٣ يوليو - والسنه دى بتيجى الذكرى التسعة وعشرين تسعة
وعشرين سنة يوم ماجيت أنا هنا

يوم ٢٦ يوليو علشان اطلع الملك باسم مجلس قيادة الثورة تسعة وعشرين السنة اللي جاية باذن الله هايكون احتفال بـ ٣٠ سنة ثورة يوليو عودة سيناء بالكامل برامجنا فى زيادة الانتاج والمدن وحل مشكلة الاسكان والزراعة والاسعار بتكون خدت مجالها حقيقة السنة اللي جاية ٨٢ ٠

انا مش قلت لكم كل سنة حاتبقى أحسن من اللي قبلها باستمرار باذن الله السنة دى الحمد لله احسن من اللي فاتت السنة اللي جاية باذن الله ذى ماحكيت لكم كده ذى ماحكيت لكم الحمد لله أعطانا ربنا ٠ كنت سنة ٧٢ سمعتونى بأدور على مليون دولار علشان الحق ابعثهم قبل ما يعلنوا افلاس مصر فى البنك الدولي بأدور على مليون دولار قعدنا اسبوع ندور عليه فى مصر القنال "مشهور" بيدينا السنة دى أن شاء الله مليار و ٢٠٠ " أحمد هلال " ده ، عدى الحواجز كلها يعنى الحمد لله مابقاش مليون دولار فى سنة ٧٢ اقعده اسبوع ادور عليه ده بقى فيه مليار و ٢٠٠ فى القناة وفيه بقى كذا مليار من عند " هلال " والحمد لله بييجى البترول وبييجى الغاز كل يوم ٠

وبعدين بنحمد الله سبحانه وتعالى مايبيركبناش الغرور ابدا ولا ننس ان مسئولية هذا الشعب اللي حط ثقته فينا تحتم علينا اننا نعمل ولو بضوافرنا وده اللي بيعملوه اولادنا فى الصالحية النهارده اللي عاوز شعب مصر كله يطلع يشوف الجيش الجديد اللي جه بعد القوات المسلحة ما عملت الاداء بتاعها فى رمضان اكتوبر وبيجوا يعملوا عبر طول السنة ان شاء الله وماشيين على طول بحمد الله باكر باذن الله أحسن من اليوم وبعد باكر باذن

الله أحسن من امبارح وملتقى العام المقبل ان شاء الله فى العيد الرابع ونحتفل بثورة ٢٣ يوليو فى عيدها الثلاثين وبعودة سيناء وبيداء ظهور برنامج الرخاء على أجلى صورة والسيطرة على الاسعار وعلى التضخم وعلى كل شىء •

والكلام ده مش السنة اللى جايه ده احنا ماشيين فيه بقول لكم البرامج دلوقتى اتنفذت اجزاء كبيرة جدا منها لأنى طالبها قبل آخر السنة دى باذن الله كله ماشى انا باعتبار ان هذا رضاء من الله سبحانه وتعالى والبلد الطيب يخرج نباته باذن ربه فلنكن بلدا طيبا مهما حدث ومهما حصل فلنظل طيبين فلنظل مخلصين مع شعبنا مع الكادحين من شعبنا مع القاعدة العريضة اللى لم يهتز تأييدها لنا ابدا بل كانت قبل الافنديات كانت هذه القاعدة بتتجاوب فى الحال وبتتلقف وبتفهم كل شىء بل همه اللى بتوع العيب همه اللى يعرفوا ان فيه كلمة اسمها العيب •

ادعو الله سبحانه وتعالى - اذا كتب لى العمر - ان التقى بكم هنا لى
• نحتفل فى العام المقبل
• بالعام الرابع لحزبنا
• والثلاثين لثورة يوليو
• وعودة سيناء
• وبرامج الرخاء والبناء والسلام والديمقراطية •

والسلام عليكم ورحمة الله وبركاته